

安徽府縣志輯

中國地方志集成

輯四·安徽志

中國地方志集成

安徽府縣志輯 ②⑧

光
緒
宿
州
志



江蘇古籍出版社 ● 上海書店 ● 巴蜀書社

中國地方志集成

安徽府縣志輯②⑧

出版發行 江蘇古籍出版社

社 址：南京市中央路一六五號

發行部電話：〇二五—三三三三三四六二

郵 編：二一〇〇〇九

印 刷 上海市印刷七廠

定 價 二五三元

責任編輯 王華寶

封面設計 范一辛

美術編輯 姜 嵩

1998年4月第1版第1次印刷

ISBN 7—80519—985—x/K·464

宿州舊志序

明兵部尚書方公志序

宿州禹貢徐州之域也今屬中都鳳陽府為高皇帝龍飛之地與周鄧錡並稱焉釐而為州者二百餘年矣士大夫過其地者仰帝都之重思帝鄉之親欲考其疆域稽其建置察其風俗辨其名物者必於志焉是稽乃歲歷事繁政有因革刺是州者往往困於簿書稽會之間因循故轍善政罕聞乃大夫崔公毅然以纂修為己任

宿州志

舊志序

一

學博諸君為之搜輯諏詢咨度殫精竭思援古證今上自春秋戰國旁考百家紀事之言有關於民風土俗者彙而成書缺者補之重者刪之蕪者去之訛者正之疑者缺之閱九月而書成乃不遠千里走使屬書欲余序其首且余季子日典以左遷判斯州於大夫有同寅之義余焉得而無言今觀其目錄曰郡紀曰輿地曰建置曰食貨曰禮制曰兵防曰古蹟曰職官曰選舉曰武選曰人物曰雜書曰著作甫卷二十有一

井井然有條而不紊燦然若日星為昭焉觀者

不下堂城而山川之險易風土之美惡徭賦之

重輕如在目中矣然則大夫之功也不既多乎

且大夫之為政也本忠恕誠一之心無雕琢修

飾之行今觀其聽訟三異發奸摘伏殆若神明

其治民也嚴焉而不急寬焉而不弛惠溥而化

行人徒知大夫之賢而不知所得是書之益為

多也余老矣無能文矣不能殫述以彰厥美今

姑序其大畧如此云

宿州志

舊志序

二

萬曆二十四年秋七月吉日光祿大夫柱國少保兼太子太保兵部尚書嘉魚樗野方逢時撰

明知州崔公志序

宿之有志繇來舊已始自永樂初年再修於景泰再修於嘉靖間蓋凡三舉矣萬曆甲午余叨承乏將考古問俗采風觀民用俾政理時取郡志閱之則或舛而弗信或靡而弗精或俚而弗文蓋殊弗當余衷者余時亟欲一刪正而訂葺之顧蒞土方始諸凡倥偬兼之地方久敝即日圖振刷而弗之逮頃乃屬之學博汪君四三輩及諸弟子員共圖之蒐古今覽史傳採故實核

宿州志

舊志序

三

輿論如此而閱月者九易藁者四乃卒業綱凡十四目凡六十有九編彙成帙挈以示余且曰志郡邑史也史可易言哉斯役也遵指畫據舊章黜奢諛崇質實惟以正訛訂誤用備采覽至於斟酌損益要諸至當往之光前緒後之垂來禩則豈謫劣所及願請裁焉余受而讀之再過乃躍然起曰嗟夫志之作類失則冗則略則舛則誕四者起而君子亡睹焉茲志也據事直書無所回護其事核其體嚴其義斷且也合數人

之精神而若出一人經三季之筆削而若出一

筆靡所爲冗爲略爲舛爲誕卽質之史氏且無愧者余焉用裁之學博諸君諸弟子員復固請余復受而讀之復再過乃又躍然起曰茲志也豈徒然哉披而閱之可以對四境民風於一眉睫之間可以覽數百里延袤於不出戶庭之內可以上下千百載往詒先猷元勛鉅卿英芳茂軌於一朝暮之際余復焉用裁之焉用裁之於是遂用銀梓學博汪君文奎休寧人管君護蘭

宿州志

舊志序

四

陽人盧君邦俊金谿人王君應期龍里人弟子員則楊生效時沈生一麟廖生世科趙生大試也
萬曆丙申夏五月奉直大夫知宿州大名崔維嶽書

明盧孟顓志跋

國家設立郡邑必有乘以紀一郡之事蓋世道升降風俗滄瀉政治得失人才高下咸於此乎繫之宿志由嘉靖丙申以來又越六十有一禩矣夫世歷久則人事不無變通更閱多則舊章不無殘損我郡牧崔公之來守茲土也甫半葺而百廢犁然振舉尤以其有餘精神加意於郡志一節蓋以宿爲我聖祖龍興畿郡其典章遺物固不可使之一日而殘且逸也爰屬諸博士

宿州志

舊志跋

五

汪君等諸弟子員合力而校讐之事在丙申以前則取其往者而刪之訂之事在丙申以後則取其來者而條之附之既六月業已成書矣乃郡牧公猶未已也以郡志卽郡史也古史類一家言如魯邱明漢子長晉董狐具然也不以俊謏鮮無似獨命俊從諸公後而覽成焉俊辭之凡再四弗克乃亦不敢低昂已意而幸諸公緒之可尋也於是凡所收載一稟諸郡牧公之所指畫汪大博諸君子之所讐校否則毋寧闕焉

其間或有所當釐正則亦不得已求爲忠臣於

以拾遺補缺焉耳從諸君子後又閱三月而書成嗟夫昔朱考亭守南康下車問志君子謂其政知所先郡牧公固考亭意也如俊不材執筆於諸君子之後將不蹈崔鴻之著作伯饒之筆削乎奈何追其愆與辜也是用戰慄題於末簡萬歷丙申夏六月上澣之吉金谿盧邦俊孟顓甫識

宿州志

舊志跋

六

前知州董公重修志序

古人有仕宦登朝而恨未獲親民者誠以宣上德達下情惟司牧者爲甚近且甚捷也顧膺斯職也有牧民之任亦有守土之任有撫字之任亦有催科之任必熟悉其山川之險易疆域之廣狹土田原隰之饒瘠習俗之剛柔美惡賦役之輕重煩簡而後因而整齊之利導之不攸有膠柱鼓瑟之患未來之得失必取鑒已往之利弊此郡之有志所以不容畧也余蒞任伊始卽

宿州志

舊志序

七

訪求宿志閱之得有明萬厯中舊本三冊乃州守大名崔公維嶽手訂也若輿地若形勝若賦役若禮制學校兵防以及古蹟職官孝行文章人物節烈上自春秋下迄元明凡有裨治理有關風化者靡不考核精嚴條分縷析備載無遺展卷之間而一州之古今風景四境之高卑瞭然在目可不謂一代良史乎但勝國之遺文率皆往跡而

本朝之囚革釐定與人物節孝文章著作之應期而

出者概乎未有聞也則纂輯之役非余之責而

誰責歟用是訪之父老詢之名宿得鄉先正任君柔節家藏志稿一卷其紀載近事甚悉藉爲藍本與本學師儒商確纂修欲使續輯新編與舊志後先輝映豈不快哉然非史學素裕才識兼優者未易勝任久知廩貢周生開官甬上名儒理學淵源博聞強識延以操觚用光簡冊發凡起例列目提綱一切由舊而增新訂舛益加精嚴合前志以成書亦竊比獲麟筆絕而紫陽

宿州志

舊志序

八

之綱目繼之綱目局終而文莊之續編繼之之意云爾庶幾乎俾宣上德達下情者有所考稽焉而整齊之利導之亦便於神明變化其間矣因贅其略於篇端云

康熙五十七年歲次戊戌孟夏穀旦宿州知州會稽董鴻圖撰

前學正潘公重修志序

康熙五十三年會稽董公來守茲邦蒞任之初
閱城池理賦役舊所貯典章靡不次第省覽於
郡志一編尤慮其世遠文佚無以鑒往跡而昭
來訓然歲已云暮矣明年正月宣講

上諭於聖果寺願謂余曰郡之志國之史也史無一
代不修而志願聽其世隔兩朝時經百載而漫
不爲之哀輯網羅是將使前人之良法美意因
革損益之制度無所徵述吾滋懼焉子其念之

宿州志

舊志序

九

是年公捐葺

文廟余鳩工是任晨夕與匠作伍終歲而始訖工未
遑也明年春余率諸弟子應試中都往還者三
及秋公適繕城垣又未遑也至丁酉公蒞政三
年矣利無不興弊無不除其於人庶亦旣苗蕩
而櫛理之乃於退食餘閒思償夙願而又時抱
一文獻無徵之懼也旣得周任兩先正續志一
帙喜畀余曰是不可以備稽核而廣見聞乎余
受而考之上自明季下迄

本朝分門別類歷歷可觀然由壬子至今近五十年

則闕如矣竊念此五十年中風俗之移易幾何
職官之遷除幾何以至選舉之乘運而興節孝
之逐時而見者又不知幾何自非生長是邦博
聞強識者其孰能知之因逡巡不能決已而廉
得周君建六甬上耆儒成均宿學遂言之於公
同事茲局相與參考闕疑徵信或悉仍其舊或
遞增其新或旁稽之人或內斷之己酉秋受事
越戊戌春而告成嗟乎今之爲吏者錢穀獄訟

宿州志

舊志序

十

盜賊逋逃送迎供張之繁一人之身而考成之
目以數十計疲精耗神思慮擾其中耳目亂其
外庶幾奉職救過至於史乘文墨之林非惟不
能作也寓目而瀏覽者亦十不得一焉公之爲
宿州也政簡刑清不動聲色而百務具舉又能
博極羣書通知今古嘗自昇十三經廿一史等
書至署中暇則披覽雖夜分弗少休以故凡所
著作無不根柢深厚吐屬典雅而迥絕時蹊余
非阿私所好也卽其序文暨咏閔祠齋山諸詩

讀之可以窺見一斑矣茲役也亦第就公平日所口授及手錄者補綴成編藉手復命於公究未能諛認焉自抒一見以駕乎其上而軼乎其外也夫鑑水知貌鑑古知政後之蒞茲土者綜核之下必曰某事便民某事厲民其尙知公所從事爲不朽也夫謹序

康熙戊戌孟夏月宿州儒學學正桐城潘仁樾頓首拜撰

宿州志

舊志序

十一

州人按察司副使丁公重修志序

各國之疆域不同其間之山川城郭土壤田賦與夫人品之賢愚物材之美惡以及政治之因革損益習尙之華浮醕樸亦皆各異故國必有史所以紀事垂遠昭信足徵佐休明之治而備輜軒之採者也然非有良司牧博通淹雅倡化於上經明行修之儒從而草創討論修飾潤色之亦烏能廣採彙集考核精詳煥然一代之巨觀哉江南鳳陽府屬郡之宿州粵稽職方卽古

宿州志

舊志序

十二

宿國漢爲銓縣宋爲符離負嵒山臨濉水踞梁宋吳楚之衝固淮北一大都會也舊有志惜其殘廢闕略已百二十餘年矣其山川雖舊而人物風土天時人事今昔改觀且百餘年來忠臣孝子理學名宿烈女節婦潛德幽光諸軼事不知經歷幾何有全無記憶者亦有得之父老傳聞者更有前輩筆諸書冊可取而證驗者若不急爲修明將年歲愈遠其湮沒於荒烟蔓草中者不知幾何矣幸逢會稽董先生以名儒來刺

是邦清風夾轂聽訟嚴明無枉無縱惟恕惟公
下車以來厲精圖治百廢俱興首捐貲修

文廟位置魁樓以勵多士更念州志不修何以紀事
考績稽古衡今以上佐

聖天子文明之治下開數百年維新之化乎因索覽
舊志見前之郡侯授事於周君廷棟任君柔節
者皆未告竣慨然以爲己任設局館聘高士廣
諮諏博見聞而周君廷棟之季子開官與襄厥
事學博潘胡兩君校正參考公退食稍暇卽搦

宿州志

舊志序

三

管辨論絕請託去疑議務期詳切有據典雅得
體未數月而志成按集披覽凡郡之山川城郭
土壤田賦與夫人品之賢愚物材之美惡以及
政治之因革損益習尚之華浮醜樸無不瞭若
指掌卽百餘年之忠臣孝子理學名宿烈女節
婦潛德幽光亦不致湮沒於荒烟蔓草中矣此
良司牧之博通淹雅董率倡化不遺餘力故得
此書之聿觀厥成昭前徽而光後禩也是爲序
康熙五十七年戊戌初夏

賜進士出身分守廣東肇高廉羅兵備按察司副使
郡人丁易撰

宿州志

舊志序

十四

州人周開官重修志跋

志也者編年紀事之書也必隨時記載以紀事實而秉筆者采而輯之以信今而垂後久則無徵君子有遺憾焉宿志自萬曆丙申州守崔公重修後迄今百二十年無起而續之者惟先君子豫章公當

國朝初避喧山居閱歷時事於政教風化國計民生所攸關者一一筆之於冊嘗於過庭之暇竊謂余曰假我數年畢茲采輯倘得一賢郡守有志

宿州志

舊志序

五

修明或可効一得之助耳卒未酬所願後耄年艱於載筆因以副本屬之定子任先生而先生亦頗多潤色增補之功迨先生既沒遂杳無其人壬子至今近五十年時事蔑如矣夫稽往詔來士君子之責也維風勵俗良有司之任也孰忍聽其廢墜至斯耶適會稽董父母來守是邦才長政舉百廢具興復於蒞治餘暇慨然以增修郡志爲任洵盛典也而委其事於開官義弗獲辭因同外翰潘君搜羅舊典察驗輿情凡關

於政教風化國計民生者爲之條分縷析互考

參稽訛者正之蕪者刪之疑者闕之缺者補之

閱六月而書成不揣固陋勉事編摩不知於百

二十年來之事蹟有所表彰否於先君子暨任

先生前後之采輯有所發明否且於董父母增

修之意委任之專無所謬戾否是在繼起君子

踵事增華有以修飾而潤色之余不能無厚望

焉謹書之於後

康熙戊戌夏四月周開官

宿州志

舊志序

六

前知州王公重修志序

志也者昭往古示來茲網舉目張一郡之山川疆域土田習俗與夫賦役禮制學校兵防以及古蹟職官文章節義瞭若指掌俾諮詢得實稽考有徵維世道而振人心所繫顧不重哉宿地幅員遼濶當四方往來要道考舊志轄臨渙蘄靈璧符離四縣元至元二年併臨蘄符三縣入州歷前明至

國朝相沿如故古志云豐山障其後繪河繞其前右

宿州志

舊志序

七

接徐豫左攬江淮郊原衍曠陸路平夷信不誣也余於乾隆壬戌由銅陵權宿下車後檢閱舊志自康熙五十七年前牧董公鴻圖修輯後闕有間者閱三十餘年余不敏以山川疆土雖舊而其中政治之沿革建置之廢興與夫公卿士庶懿文淑行遺而未錄隱而弗彰者又不知其凡幾也踵而增之烏能已乎祇以頻年地方水旱鞅掌未遑而余亦再覲

天顏往來僕僕顧此心實未嘗一日忘也歲在戊辰

金君鼎以晉陵名宿秉鐸茲土語及郡志一事

與余有同志焉金君博雅淹貫素裕史學又遶郡明經王生嚳國學周生國鼎潛修士也留心軼事勤於記載方擬捐俸設局以償夙願已已秋適制府督修檄下因會郡之人士公延金君秉筆訂修王周二生與襄厥事計兩閱月而全帙告成所載綱目一遵舊志間以已意增附數則其三十年來政治之沿革建置之廢興公卿士庶懿文淑行綜核闡揚崇實黜浮宜闕毋濫

宿州志

舊志序

六

雖不敢比美前志但過是都者采風問俗資稽考而備諮訪具有關世道人心固後先一轍也湖余承乏以來於今八載矣早作夜思曷嘗不欲竭其不敏之材力求無愧於

聖天子責成守令之意芸芸者仰賴父母之心而製錦無成烹鮮寡效循躬省咎尙復何言然此不敢自暇自逸之一念則宿之人士所共聞知矣倘嗣是以往汙萊稍闢戶口粗安而一二縉紳先生復能敦率鄉閭釀成禮俗庶幾既富而教

蔚爲樂邦異時者太史陳風增光冊府是雖茲
郡之幸而亦豈非余之所藉手焉以共沐榮施
者與今續志旣成畧敘梗概用以明夙願之克
酬并以勞將來之後效云爾

乾隆十五年歲次庚午孟春知宿州事海城王
錫蕃譔

宿州志

舊志序

十九

前巡撫陶大中丞飭修志序

我

國家文物昌明典章燦備伏讀

大清一統志義例精嚴各省通志成稟成式惟安徽
自分省以來六十餘年未有全書余勗議纂修
先檄所屬各州縣凡歲久無志者亟爲增輯並
手定體例以歸畫一乙酉孟春展

覲回皖道經宿州州牧蘇君出所輯志稿諗余余惟
宿州爲古苻離北枕徐郡南控江淮適當黃河

宿州志

舊志序

二十

下游決渠濬川歲有其役又其地四達遼闊民
氣勁悍綏輯化導較他處爲尤難蘇牧履任後
凡築隄挑河團集保甲興立義學諸大政次第
舉行具有成效余甚嘉之稱此而爲書以其治
宿者志宿其於地方之利弊民情之險易風俗
之貞淫厚薄燭照計數口陳指畫知必有異於
俗吏之爲者今進其書而覽之若地輿水利山
川風土人物食貨學校武備諸門綜核條貫稽
考得實因嘆蘇牧之能不愧是官又以知是書

之必能信今傳後而余昨過宿州詩有因知政
教能移俗且喜田功已命官之句益堪其證也
蘇君勉之由此更講求古賢化民成俗之方孜
孜不倦行見易瘠土爲沃壤敦健俗爲仁風於
此上副

聖天子軫念黎元厚生正德之至意則斯志也非徒
爲後來勸懲之所取資抑亦賢牧令朝夕自儆
之箴銘矣爰書以弁之

道光五年歲次乙酉仲夏月中浣

宿州志

卷

舊志序

三

賜進士出身

誥授資政大夫兵部侍郎巡撫安徽等處地方兼都

察院右副都御史兼理軍務兼提督銜前翰林

院編修加三級楚南陶澍撰

前鳳穎道戴公志序

志宿州難治宿州尤難非治之得其要則志之
不能盡其詳勢相因也宿州兼蘄縣臨渙苻離
四邑之地幅員甚廣與銅山蕭縣永城亳州蒙
城懷遠靈璧七州縣接壤民風強勁盜劫時有
而又爲九省通衢使車絡繹加以頻年黃水下
注民生凋敝災荒屢告此治之難也幅員既廣
沿革無常南北紛爭之時乖離更甚川瀆爲黃
水淤填皆失其故道閘壩隄防今昔屢改舊志

宿州志

舊志序

三

本多疎略閱今七十餘年文獻無徵典章缺軼
此志之難也夫以繁治繁則繁者愈繁以簡治
繁則繁者亦易一州之事非一人所能理也周
禮地官州長以下有黨正族師閭胥比長縣正
以下有鄙師鄣長里宰隣長自上而下所治不
過五人於詳密之中得易簡之意此周家一代
之良法美意也漢世三老嗇夫皆命之以秩頒
之以祿而文帝之詔俾各率其意以道民所以
任之者甚重明洪武實錄所載民間事不由里

老處分徑詆縣官者治以越訖之罪猶得周家遺意後世人才不古若仍欲以縣令一人之身坐理數萬戶口賦稅而文網繁密又倍於昔時繁劇之邑上下督責救過不遑問民間風俗不知問山川脈絡不知其何以治其何以志今碧山蘇刺史之治宿州也每集立約長約正優以禮貌束以規條一切催科捕盜讀邦法立鄉學治橋梁道路皆取辦於約長吏不擾民不煩如身使臂若網在綱二年以來宿州大治其志宿

宿州志

舊志序

三

州也一以陶大中丞所頒格式爲準爲綱十爲目五十四患疆域之難辨也先爲古地考以溯其源又爲沿革表以歸於一以地受減黃之害則備載隄防以資考鏡以地當南北之衝則詳稽形勢以資守禦其他食貨學校武備選舉無不詳簡得宜去取悉當觀其所以志宿州者卽可以知其治宿州矣中丞以皖省未有專志令各州縣先採輯成書彙送志局又患體例紛歧爲之提綱挈領摘要舉凡酌定規條頒爲

程式亦旣簡而盡矣二年以來各州縣之以成書告者無幾非以處衝要之地馭強悍之俗鋤強詭奸日不暇給乎夫衝要強悍宜莫如宿州矣而刺史以簡馭繁政成而志亦成非治得其要能如是乎余蒞廬鳳道任四年矣見前此治宿州者非無武健明決勝任愉快之員而求其易俗移風堪與古循良媲美則未有如刺史者也故於其志之成爲推其所以治宿州者以爲之序

宿州志

舊志序

善

道光五年分巡廬鳳穎六泗滁和兵備道督理鳳陽關稅務加五級紀錄十次浦陽戴聰謨

前鳳陽府程公志序

今夫邑乘者其爲治之主臬乎考民情察風土
量時運而後修教不易俗齊政不易宜地邑民
居必參相得也茲書非其要歟顧往往多歷年
所滋深缺漶奈何則以爲其事者之實難爲之
延時日而又中止者之夥也况經兵燹之煨燼
撫墜緒而搜求其難有倍出尋常萬萬者哉宿
州一志自有明崔君維嶽纂輯成書規模畧備
後之人權輿祖之逮我

宿州志

舊志序

三

國朝一修於康熙戊戌再修於乾隆庚午值嘉慶壬
戌之冬小醜不靖志板被災卽欲訪冊卷考舊
章靡有子遺矣守土者亦稍畧焉嘗考宿爲古
宿國分野介房心之間秦漢以來沿革不一迄
乎五代兵戈紛擾戎馬倥傯裂土分疆朝置夕
改薦紳先生難言之故舊志多紊闕焉其尤重
者地濱黃河汴隄聯貫所在滋水患一溝一壑
民生攸關又非人物里居瑣聞稗記僅供士君
子網羅參訂之資已也於此按形勢以圖要害

估工值以計歲脩國之利也民生之福也其裨

益於治爲何如耶至其徵求文獻分別規條綱
舉以十目次五十有四閱是書者殆瞭如指掌
不待余之瀆矣夫宿俗近北方民或尙氣力號
稱難治守土者恒以簿書不報期會爲虞至於
帖強起瘠使斯民知懲勸而向方此則爲治之
操其圭臬者也自我蘇君碧山來刺是邦勸農
耕桑興士學校期與民易俗而移風余時因公
戾止其耆老子弟扶杖挾策歡然郊迎蓋斷斷

宿州志

舊志序

三

然有古絃歌之意焉其爲治固可想矣茲奉
中丞方伯檄飭修州志不憚煩難而輯成之非
惟成之且又速之補偏救弊徵信闕疑粲然超
舊史而土焉可爲美善者已余不徒美其博洽
而幸其勤於民生吏治不敢畏難苟安類如是
也故樂弁數言以爲守土者勸
道光五年歲次乙酉秋八月知安徽鳳陽府事
前刑部郎中總辦秋審律例館提調雲夢程懷
環謹

前知州蘇公重修志序

志者何紀事也紀事者何紀一州之山川風土
人品文章政治得失因革祥異也宿州春秋爲
宋地漢屬沛郡至唐始建爲州枕徐豫而控江
淮洵南藩之要郡也昔朱考亭守南康下車問
志君子謂其知政之先務誠以采風問俗度地
觀民必於志焉是稽余於癸未春始蒞茲土檢
閱舊志越歲已久亟宜重纂又慮非旬日匝月
所能成事者而政以教養爲先宿境水患頻仍

宿州志

舊志序

三

田廬淹溺匪徒出沒習俗器凌於是勸民築隄
修道濬洫挑溝以奠安之坊設總約之法鄉立
便民之學以化導之修志事未遑然刻繫於懷
而莫釋甲申夏適奉 大憲檄飭彙修安省通
志遂與本州學師商確設局而其圖之延得州
中品端學優之士如貢士宋生長鸞沈生欽璵
者次第編輯屬司訓徐董其成而撰修焉公餘
之暇時與商訂參校顧山川疆域禮制風俗賦
稅兵防建置沿革猶有冊籍可稽惟人物一條

時隔七十餘年之久地周六百餘里之遙更須

採訪得人脫令搜求弗廣不能補其闕遺是謂
滲漏鑑別弗精不能正其訛謬是謂混淆務爲
新奇粉飾之詞上無關於政治得失下無係乎
風俗淳漓其失則浮喜爲索瘢摘瑕之論或以
一眚掩大德或以末節概生平其失則刻而且
阿好徇私無美而諛之輕貧薄富有善而抑之
其失則偏而不公諸弊勿絕是傳信而轉以傳
疑其何以動後人之觀感發潛德之幽光也哉

宿州志

舊志序

三

閒嘗望嵩山而思孝登嵇山而憫忠以及賢豪
節義文人逸士代有其人今之視昔安見古今
人不相及耶余不敏兩易寒暑稿成付梓惴惴
焉誠恐徵文考獻之未極精詳貽譏大雅其所
堪自信者遵 憲程式事紀其實三載以來不
敢自暇自逸惟冀民之衣食足而禮義興孝友
成風人文蔚起闡已往而勵將來俾異時之續
修是志者後之視今更有勝於今之視昔則幸
甚矣